



D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 24 de outubro de 2019**, adoptou o seguinte acordo:

21.- EXPEDIENTE DE CONTRATACIÓN DOS SERVIZOS BIBLIOTECARIOS COMPLEMENTARIOS PARA O FUNCIONAMENTO DA BIBLIOTECA MUNICIPAL “XOSÉ NEIRA VILAS”. EXPTE. 15967/331.

Visto o informe xurídico e o informe de fiscalización do 18/10/19, dáse conta do informe-proposta da mesma data, asinado polo xefe do Servizo de Xestión e Promoción Cultural, o concelleiro-delegado de Cultura e o concelleiro-delegado de Orzamentos e Facenda, que di o seguinte:

NORMATIVA DE APLICACIÓN

- Lei 9/2017, de 8 de novembro de Contratos do Sector Público.
- 39/2015, do 1 de outubro, de Procedemento Administrativo Común das Administracións Públicas (LPAC).
- Lei 7/1985, de 2 de abril, reguladora das bases do réxime local, modificada pola Lei 57/2003, de 16 de decembro, de medidas para a modernización do goberno local e pola Lei 27/2013 de 27 de decembro de racionalización e sostibilidade da Administración Local.
- Real Decreto Lexislativo 781/1986, de 18 de abril, polo que se aproba o texto refundido das disposicións legais vixentes en materia de réxime local.
- Lei de Galicia 5/1997, de 22 de xullo, de Administración Local de Galicia.
- Lei 25/2013 de 27 de decembro, de Impulso da factura electrónica e creación do rexistro contable de factura no sector público.
- Lei 19/2013 de 9 de decembro de transparencia, acceso á información e bo goberno.

ANTECEDENTES

No expediente tramitado ao efecto consta entre outra a seguinte documentación:

- Informe xustificativo da necesidade e idoneidade asinado polo concelleiro-delegado da Área de Cultura con data 1 de abril de 2019.
- Resolución do concelleiro-delegado da Área de Cultura, de data 1 de abril de 2019, pola que se autoriza o inicio do expediente de contratación.
- Anuncio de información previa realizado con data 9 de agosto de 2019 no DOUE, referencia 2019/S 153-377219
- Prego de prescricións técnicas (PPT) de data 11 de outubro de 2019, redactado polo xefe do servizo de Xestión e Promoción Cultural (que mellora aspectos do realizado con data 2 de setembro, de acordo coas recomendacións da Asesoría Xurídica)
- Memoria xustificativa de data 11 de outubro de 2019, redactada polo xefe do servizo de Xestión e Promoción Cultural (que mellora aspectos das realizadas con data 2 e 27 de setembro, de acordo coas recomendacións da Asesoría Xurídica)

| | | | |
|--|--|--|---------------|
| | Copia do documento - Concello de Vigo | Data impresión: 28/10/2019 10:12 | Páxina 1 de 4 |
| | Expediente 15967/331 | CSV: 2BECC4-C13844-BBD82E-FB5J6G-QTDRW4-H1 | |
| | Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | |

- Informe de data 11 de outubro de 2019, da técnica de Administración Xeral sobre a comprobación da documentación esixida pola normativa de contratación pública.
- Prego de cláusulas administrativas particulares (PCAP) de data 17 de outubro de 2019, redactado polo servizo de Contratación.

FUNDAMENTOS DE DEREITO

Primeiro: De conformidade cos artigos 25.1. e 25.2.m da Lei 7/1985 de 2 de abril reguladora das Bases do Réxime Local, e cos artigos 80.1 e 80.2.n da lei de Galicia 5/1997 de 22 de xullo de Administración Local de Galicia, os municipios poderán promover e realizar actividades culturais.

Segundo: O expediente de contratación se iniciará polo órgano de contratación de acordo co disposto na Lei 9/2017, de 8 de novembro de Contratos do Sector Público; no Concello de Vigo esta competencia atopábase delegada nos Concelleiros de Area segundo o Decreto de delegación de competencias de Alcaldía do 19 de xuño de 2015 e acordo da Xunta de Goberno local da mesma data.

Terceiro: En cumprimento do establecido no artigo 28 da LCSP o concelleiro-delegado da Área de Cultura asinou o informe da necesidade e idoneidade da contratación da prestación de servizos bibliotecarios complementarios para o funcionamento da Biblioteca Municipal “Xosé Neira Vilas” (avenida Martínez Garrido, 31, CP 36205 Vigo).

Cuarto: En cumprimento do establecido no artigo 116.1. LCSP, consta no expediente, o decreto da orde de inicio asinado polo concelleiro-delegado da Área de Cultura.

Quinto: De acordo co establecido no artigo 116.4 LCSP consta a memoria xustificativa asinada pola Xefe do Servizo de Xestión e Promoción Cultural e polo concelleiro-delegado da Área de Cultura, e o prego de prescricións técnicas particulares (artigo 116.3 da LCSP), así como o prego de prescricións administrativas particulares, asinado pola técnico de Administración Xeral e a Xefa do Servizo de Contratación.

Sexto: Na memoria xustificativa xustifícase, entre outras cuestións, a non división en lotes (artigo 116.4.g LCSP), o prezo e a súa xustificación (100 e seguintes LCSP), o valor estimado do contrato (116.4.d LCSP), os criterios de adjudicación e fórmulas de valoración (artigo 145 e 146 LCSP), os criterios de solvencia (116.4.c), as condicións especiais de execución (202.1), a clasificación dos licitadores (116 e 77 LCSP), o principio de estabilidade orzamentaria e sustentabilidade financeira (artigo 7.3 da Lei orgánica 2/2012, do 27 de abril).

Sétimo: No relativo á clasificación do contrato trátase dun contrato de servizos segundo o establecido no artigo 17 Lei 9/2017, de 8 de novembro de Contratos do Sector Público. O contrato ten carácter administrativo de acordo ao disposto no artigo 25 da LCSP. A forma de tramitación será a ordinaria. A adjudicación do contrato realizarase a través dun procedemento aberto, de acordo co establecido no artigo 156 da LCSP, e polo seu valor estimado está suxeito a regulación harmonizada.

Oitavo: De conformidade coa disposición adicional terceira, apartados 8 da LCSP e, a disposición adicional oitava, apartado e) da Lei 7/1985, do 2 de abril, reguladora das bases do réxime local (LRBRL), se require o informe preceptivo de Asesoría Xurídica do Concello de Vigo.



Copia do documento - Concello de Vigo

Data impresión: 28/10/2019 10:12

Páxina 2 de 4

Expediente 15967/331

CSV: 2BECC4-C13844-BBD82E-FB5J6G-QTDRW4-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Noveno: O artigo 116.3 e o apartado 3 da disposición adicional terceira da LCSP, dispoñen que ao expediente se incorporará o certificado de existencia de crédito ou documento que legalmente o substitúa. Este documento, xunto co informe da fiscalización previa, incorporárase pola Intervención Xeral ao procedemento con carácter previo a aprobación polo órgano de contratación.

Décimo: A competencia para a resolución do presente expediente, previa fiscalización da Intervención Xeral, correspóndelle á Xunta de Goberno Local, na súa calidade de órgano de contratación, conforme ao previsto na disposición adicional segunda apartado 11 da Lei de Contratos do Sector Público. A resolución deberá ser motivada e aprobará o expediente de contratación, dispoñendo a apertura do procedemento de adxudicación (artigo 117 da LCSP) e implicará a aprobación do gasto.

Á vista do exposto, e previo informe da Asesoría Xurídica do Concello de Vigo e da Intervención Xeral, coas conformidades do concelleiro-delegado da Área de Cultura e mailo concelleiro-delegado de Orzamentos e Facenda, propónse á Xunta de Goberno Local como órgano de contratación, no uso das facultades que lle confire a lexislación vixente, a adopción do seguinte **ACORDO**:

1º.- Aprobar a contratación, a través de procedemento aberto e tramitación ordinaria, dos servizos bibliotecarios complementarios para o funcionamento da Biblioteca Municipal “Xosé Neira Vilas” (avenida Martínez Garrido, 31, CP 36205 Vigo).

2º.- Aprobar o Prego de prescricións técnicas que rexerá a citada contratación, de data 11 de outubro de 2019, redactado polo Xefe do servizo de Xestión e Promoción Cultural.

3º.- Aprobar o Prego de cláusulas administrativas particulares que rexerá a citada contratación, de data 17 de outubro de 2019, redactado polo Servizo de Contratación.

4º.- Autorizar o gasto por importe total de **591.004,12 €** (cincocentos noventa e un mil catro euros con doce céntimos), que inclúe un IVE (21%) de 102.570,96 € € (cento dous mil cincocentos setenta euros con noventa e seis céntimos), con cargo á aplicación orzamentaria 3321.227.99.10 “Funcionamento Biblioteca Martínez Garrido”, según o seguinte detalle:

| 2020 (3 abril-31 de- cembro) | 2021 | 2022 (1 xaneiro-2 abril) |
|------------------------------------|--------------|--------------------------------|
| 219.163,00 € | 295.502,06 € | 76.339,06 € |

5º.- Autorizar á mesa de contratación, de conformidade co artigo 326.5 da LCSP, a solicitar, se o estima oportuno, informes técnicos para a valoración dos criterios cuxa cuantificación dependa dun xuízo de valor, aos seguintes especialistas na materia relacionada co obxecto do contrato:

- * Inmaculada C. Serrano Plaza, directora Biblioteca Pública “Juan Compañel” de Vigo.
- * Gerardo Marraud González, director Biblioteca Universitaria-Universidade de Vigo.
- * Mariña Fariñas Pérez, axudante de bibliotecas da Universidade de Vigo.

6º.- Acordar a apertura do procedemento de contratación conforme ao previsto na lexislación vixente.

| | | | |
|--|--|--|---------------|
| | Copia do documento - Concello de Vigo | Data impresión: 28/10/2019 10:12 | Páxina 3 de 4 |
| | Expediente 15967/331 | CSV: 2BECC4-C13844-BBD82E-FB5J6G-QTDRW4-H1 | |
| | Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | |

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me

V. e Pr.

O ALCALDE,
Abel Caballero Álvarez.



| | | |
|--|--|---------------|
| Copia do documento - Concello de Vigo | Data impresión: 28/10/2019 10:12 | Páxina 4 de 4 |
| Expediente 15967/331 | CSV: 2BECC4-C13844-BBD82E-FB5J6G-QTDRW4-H1 | |
| Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | |